

UN'WE EKA MILIYONI

 Ndza ku khensa, makwerhu. Ndza ku khensa, Makwerhu Shakarian.

Naswona avuxeni, vanghana. Hakunene swi kahle ku va laha eLos Angeles nakambe mixo lowu, ku nga se fika ntsombani lowu wukulu, na nhlengeletano leyi taka ya vhiki leri taka lahaya eEmbassy Hotel. Ndzi languterile ku mi vona hinkwenu lahaya. Naswona hi le hansi ka ku langutela lokukulu ka ku hlangana na Hosi ya hina Yesu, ku N'wi vona kwalahaya. U tshembhisile leswaku U ta va kona. "Hinkwako laha vambirhi kumbe vanharhu a va hlengelatanile swin've," A ta va kona.

² Ndzi na ntiyiso leswaku ndzi hlanganile na Yena mixo lowu loko ndzi ri karhi ndzi khandziya switepisi lahawani eholwени leyi yikulu, loko vanhu hinkwavo lava nga na ku langutela lokukulu, a va rindzerile xifihlulo na mbulavulo. Nakona swi kahle ku hlengelatana na n'wina lahawani, na le ka vayingiseri va xiya-ni-moya. Ku na vo tala swinene lahawani, va le... A ndzi boheka ku rhelela hi le hansi laha ku landzelaka, kutani ndzi vulavula na vantsongo. Nakona ndzi vonile swikombelo swo tala, ku karhateka ka mbilu, na vuvabyi byo hambana-hambana bya mimiri ya vona, kutani hi lahawani sweswi ku ta khongeleta vavabyi na lava cangayilaka.

³ Ntsena loko ndzi fika ehenhla ka switepisi... Ndzi langutisile njhingga ya kahle ya mukhalabya sweswi. U tile eka mina, kutani a ku, "Makwerhu Branham, malembe lawa ya nga hundza..." U vurile leswaku a ri na ku karhateka ka mbilu loku biheke ngopfu ku fika laha a nga... a va anakanya leswaku a ya eku feni. Nakona ndzi n'wi khongelerile, kutani tintswalo ta Xikwembu ti n'wi horisile. Kutani hi loyi mixo lowu u kona kwala, eka yumakumenhungu bya yena, ntsena eku tsakeni. Swingaleswi sweswo swi hi endla leswaku hi teka ntshembho lowuntshwa.

⁴ Kutani sweswi hakunene ndzi le ka ku kuma swikhongelo swa vanhu lava nga ehandle emisaveni ya xiya-ni-moya, na kona kwala. Endzhaku ka loko ndzi sukile eka nhlengeletano leyi, ndzi ya eEurope, ku rhelela eAfrika na ku rhendzeleka, etinhlengeletanweni. Nakona leswi swi famba hi xivono, swingaleswi ku ta va nhlengeletano ya kahle lahaya, ndza tshembha. Nakona ndzi swi twile eka malembe leswaku Hosi yi lava leswaku ndzi vuyela endzhaku. Lowuntsongo wo titsongahata, ministri wo titsongahata lowu Yi nga ndzi nyiketa wona, a ndzi ehleketi leswaku Yi nga va yi hetile hi wona, kwalahaya. Swi tikombile ingaku ku nga va ku ri na moy-a-xiviri kun'wana lowu ndzi nga wu khomaka eka nete wa Evhangeli,

leyi Yi nga ndzi nyiketa ku va ndzi kukuta vanhu, ndlela ya ku horisa ka Vukwembu, ku khongeleta vavabyi. Kutani hakunene ndzi kombela swikhongelo swa n'wina, ha vumbirhi n'wina vanhu lahawani na lava va nga ehandle eka vayingiseri va xiya-ni-moya.

⁵ A ndzi va nga na nkarhi wo teka tsalwa kutani ndzi chumayela, leswi ndzi nga swi langutela endzhaku ka timinetsetnyana lahawani eka—eka... holo leyi yikulu, kambe ntsena ku vulavula na—na n'wina swa swinkadyana, ku tivana. Kutani eka vanhu lava nga ehandle etikweni, ndzi ta va na xikhongelo eka lavaya va nga le handle, xikan'we-kan'we, na n'wina mi nga lahawani. Kutani hakunene ndzi tsakile ku hlangana na vanghana hinkwavo lava va kahle lava ndzi nga si tshamaka ndzi hlangana na vona, ntsena ku ti hlanganisa na vona mixo lowu.

⁶ Hi vile na minkarhi ya kahle eswikhongelweni eka tindzhawu tin'wana. A ndza ha huma-humi ngopfu, ku chivirikiwa swinene. Ntsena hi ringeta ku hlayisa patu ri ri karhi ri hisa exikarhi ka Jeffersonville, Indiana na Tucson, Arizona, laha hi nga rhurhela kona eka malembenyanawa lawa ya nga hundza, hi xivono xa Hosi, leyi nga hi rhumela kwalahaya, na mina, ndzi nga ri eku ku tiveni laha a ndzi ya kona. Naswona vo tala va n'wina lahawani, eClifton, ndzi vulavurile na n'wina swintsongo loko ndzi nga si suka, na le nhlengeletanweni ya le Phoenix, hi xivono lexi a xi tile. Ndzi vonile Tintsumi ta nkombo ti ri hi ntlawa.

⁷ Kutani ndza swi tiva, eka vayingiseri va xiya-ni-moya, kumbexana vo tala va n'wina a mi Evhangeli leyi yi hetisekeke, nakona leswi swi nga ha languteka swi ri swa xihundla eka n'wina. Leswi, a swi ta va tano eka mina, kambe ku na... Mani na mani la nga hlamuselaka xin'wana na xin'wana, a wa ha boheki ku xi amukela hi ripfumelo. I swilo leswi hi nga ta ka hi nga swi hlamuseli, leswi hi faneleke ku swi amukela hi ripfumelo. Hi nga ka hi nga xi hlamuselei Xikwembu. Ku hava munhu la nga hlamuselaka Xikwembu. Xi na vuhos, naswona i Xi kulukumba na ku va na matimba. Ntsena hi—ntsena hi swi amukela hikuva ha swi tiva leswaku Xi kona kwalahaya. Kutani hi ripfumelo ra hina, eku swi amukeleni, Xi vuyisela nhlamlulo endzhaku eka hina, nkhuvulo wa Moya lowo Kwetsima.

⁸ Lowu, ntsena ndzi yaka eku vulavuleni na n'wina hi mayelana na wona, eka swinkadyana swintsongo lahawani, eka, "ndlela ya Xikwembu, kumbe ndzhawu yo gandzeleta kona." Naswona ndzhawu yin'we ntsena laha u nga Xi gandzelaka kona, ndzhawu yin'we ntsena laha Xi nga hlanganaka na wena kona, ku fananele ku va na... Ku na Kereke yin'we, ndzhawu yin'we, nkarhi wun'we, vanhu van'we, eka hinkwavo lava hlanganaka na Xikwembu. Nakona ndza tshembha leswaku Hosi yi katekisa Hungu etimbilwini ta n'wina lahawani.

⁹ Sweswi, ku ta eTucson, a ku nga tolrevelekanga, swivono leswiya swi ri karhi swi vulavula na n'wina hi Vito ra Hosi. Ku hava na un'we wa vona tanihi laha ndzi nga tsundzukaka hakona, a nga ta vutisa un'wanyana loko va nga tsundzuka nkarhi wihi kumbe wihi, lowu Yi nga vula xin'wana na xin'wana ehandle ka leswi a swi ri Ntiyiso. Swi tshamela ku humelela ntsena hi ndlela leyi Yi vulaka leswaku swi ta humelela hakona.

¹⁰ Nakona Yi fanerile, ku ya hi Matsalwa, ku vuyela eka hina eka masiku lawa yo hetelela, eka muxaka lowu wa ministri. Sweswo swi ta va endzhaku ka nkhuvulo wa Moya, na ku vulavula hi tindzimi, na ku horisa ka Vukwembu, na swin'wana na swin'wana, swilo leswi. Ku funengetiwa ka hungu ra xipentekostal hileswi hi vulavulaka hi swona namuntlha. Ministri lowu wa Kreste hi Yexe a encenyetiweke exikarhi ka vanhu va Yena, na swilo leswiya A nga swi endla loko A ha ri kwala misaveni; eka Miri wa Yena, Mutekiwa, loyi a nga xiave xa Yena, va ri karhi va endla swilo leswi fanaka, tanihi Nuna na Nsati, kumbe Hosi na Hosikazi, ntsena loko ntirho wa Vukati wu nga si fika.

¹¹ Vhiki leri, loko Hosi yi swi rhandza, ndzi navela ku vulavula swin'wana eka sweswo, ehandle eka pfhumba ra hina lahawani, eka—eka Embassy Hotel, na ku va tanihi ku tolovelana hi ndlela ya mina yo titsongahata ya ku swi endla. E—e Nkarhi na awara leyi hi hanyakwa eka yona, loko munhu a nga yi tivi ndlela yo famba hi yona, leswi a faneleke ku swi endla kumbe hilaha ku jikiwaka hakona, a wa—a wa ha ri eku fambeni hi ripfumelo; ntsena u le ku vhumbheni, u le ku ehleketeleleni. Naswona ku *ehleketelela* i ku—ku “ya emahlweni ehandle ka matimba ya ximfumo.” Swingaleswi loko hi nga ri na matimba ya ximfumo hi xiviri ya ku tiva leswi Xikwembu xi nga vula leswaku swi ta teka ndzhawu eka awara leyi, xana hi ta yi kongomisa ku yini awara leyi—ke? Nakona hi fanele ku yi kongoma, hi ri karhi hi tiva, hi ripfumelo eRitweni ra Xona, swilo leswi faneleke ku va swi ri karhi swi humelela sweswi; na xiyimo xa matiko, xiyimo xa vanhu, xiyimo xa kereke, na swin'wana na swin'wana.

¹² Hi fanele ku swi tiva sweswo, kutani hilaha hi nga humaka hakona hi ya swi kongoma. Loko u nga swi tivi ku endla sweswo, ntsena u—ntsena leswi a hi toloverile ku swi vitana, muxaka wa, hi xiwelo; ntsena ku tlulela endzeni, hi ku tshembha leswaku swi ta va lahawani, hi ku tshembhela leswaku *leswi na sweswo*, kutani “swi ta va kona?” Kambe Xikwembu a xi swi lavi leswaku hi endla sweswo. Xi lava leswaku hi tiva leswi Xi nga swi vula hi mayelana na siku leri, kutani hi hlangana na swona hi ripfumelo, hikuva Xi vurile leswaku swi ta va hi ndlela yaleyo. Kutani ha—ha swi tiva leswaku u Ntiyiso manuku, hikuva a wu na ritu ra munhu un'wana eka swona; u na Rito ra Xona ra leswi hi fanelaka ku swi endla. Nakona hi tshembha leswaku Tata wa hina wa le Matilweni u ta—u ta hi nyiketa leswi vhiki leri.

¹³ Sweswi, ndza tisola ku va ndzi tsemile, eka leswi a ndzi ri karhi ndzi swi vula eka swinkadyana leswi nga hundza, hi mayelana na ku ta eTucson. Kutani a ndzi anakanya, mina n'winyi, leswaku a ku ri makumu ya vutomi bya mina. A ndzi anakanya leswaku ku hava na un'we loyi a ta yimela ku tsemekahlana ka xiyimo lexiya xi nga humeleta eka xivono lexiya mixo luwa, kwalomuya ka awara ya khume ekaya, loyi a ta kota ku pfuka a kotile ku hanya endzhaku ka sweswo. Hikokwalaho ka yini, ndzi ta eTucson, ndzi ri karhi ndzi endla vululamiselo na jaha ra mina, ku va nsati wa mina na—na vana va famba na yena endzhaku ka loko ndzi fambile, hikuva a ndzi anakanya leswaku a ku ri makumu ya mina. Kutani mina, ePhoenix na tinhlengleletano to tala loko swi nga si humeleta, ndzi mi byerile ntsena hilaha a swi ta humeleta hakona.

¹⁴ Kunene, tin'hwetinyana endzhaku ka sweswo, a ndzi ri le Sabino Canyon mixo wun'wana, leyi yi nga en'walungu wa Tucson. A ndzi ri kwalahaya ku ya khongela. Kuteloko ndza ha khongela, a ndzi yimiserile voko ra mina ehenhla, ndzi ri karhi ndzi ku, "Tatana, ndza Ku khongela leswaku Wena hi ndlela yin'wana u ta ndzi pfuna, u ndzi nyiketa matimba, eka awara leyi sweswi ndzi kongomanike na yona. Kungaku loko ntirho wa mina wu herile laha emisaveni, kutani ndzi fanele ku ta eka Wena. Kutani a hi leswaku ndza tisola ku va ndzi ta, kambe ndza swi tiva leswaku U ta wu hlaysia ndyangu wa mina. Nakona ndzi—ndzi kombela ntamu eka awara leyi." Kutani xin'wana xi bile voko ra mina!

¹⁵ Sweswi, vayingiseri va xiya-ni-moya, leswi ndzi nga swi vula swi nga languteka swi nga tollovelekanga, kambe i ntiyiso. Nakona Xikwembu i Muavanyisi wa mina.

¹⁶ Ndzi langutisile evokweni ra mina, nakona a ku ri na tlharhi, a ri ri na nkotloto ehenhla ka xiphemu xa xikhomo. Naswona xikhomo xona hi xoxe a xi endliwile hi rihlalu, naswona a ri languteka tanihi muxaka wa xisirhelelo xa nsuku ehenhla ka xiphemu xa xikhomo. Kutani mukwana wona hi woixe a wu languteka tanihi loko wu ri muxaka wo hatima, oho, xin'wana xo kotisa khitromu kumbe xin'wana xo hatima edyambyini.

¹⁷ Sweswi, a ku ri kwalomu ka awara ya khumen'we ni mixo, le henhla-henhla ka ntshava. U nga ha anakanya hilaha munhu (leswaku ndza swi twa leswaku ndzi le miehleketwenni ya mina leyinene) a ta swi twisa xiswona ku yima lahaya na tlharhi ro ka ri nga humi helo, vanhu eka timayili na timayili, u khomelerile sweswo evokweni ra wena. Ndzi ri twile, ndzi teka na ku ndziwulutela mukwana endzhaku na le mahlwenni, nakona, hikokwalaho ka yini, a ku ri tlharhi.

¹⁸ Kutani ndzi langutile hi ku rhendzeleka. Ndzi ku, "Kunene, sweswi, xana sweswo swi nga humelerisa ku yini-ke? Hi mina loyi ndzi yimeke lahwani, hi swona, kwala, naswona a ku na

un'wana ekusuhi kwalomu ka timayili na timayili, naswona xana rero a ri huma kwihi-ke?" Kutani ndzi ku, "Kunene, ndza—ndza tshembha leswaku kumbexana i—i Hosi yi ndzi byelaka leswaku i makumu ya nkarhi wa mina."

Kutani Rito ri vulavula ri ku, "Leri i Tlharhi ra Hosi."

¹⁹ Kutani ndzi anakanya, "Kunene, tlharhi, kutani i ro kotisa ra hosi, ka vunhenha." Ma swi tiva, hilaha a ri tirhisiwa hakona eNghilandhi na tindzhawu to hambana-hambana. Ndzi anakanyile, "Sweswo hileswi ri nga endleriwa swona, ka vunhenha." Kutani ndzi anakanyile, "Kunene, kumbexana ndzi fanele ku tlhandleka mavoko ehenhla ka vanhu, kumbe...." Ndzi vile na tinxaka hinkwato.... Miehleketo ya ximunhu yi nga pfilunganyeka hinkwayo, wa swi tiva. A wu swi tivi. Miehleketo ya hina ya helela; ya Yona a yi heleli. Swingaleswi, tanahi laha a ndzi ri hakona, ri.... Kutani ri sukerile voko ra mina nakona a ndzi swi tivanga leswaku ri yile kwihi, ntsena ri lo nyamalala. Hikokwalaho ka yini, loko munhu a nga twisisi nchumu na swintsongo hi swilo swa ximoya, a wu—wu ta hlangana nhloko kukotisa sweswo. A wu ta va u yimile lahaya, u ri karhi u tivutisa leswaku ku humelerile yini.

²⁰ Kutani Yi te, "Xivono lexiya a hi nkarhi wa wena wa makumu. I xa ministri wa wena. Tlharhi leriya i Rito. Swilemo swa Nkombo swi ta lemuriwa, swihundla swa...."

²¹ Kutani mavhiki mambirhi endzhaku ka sweswo, kumbe tin'hweti timbirhi, swa antswa, endzhaku ka sweswo, a ndzi ri ehenhla ka ntshava na ntlawa wa vanghana loko swi humelela. Nkombo wa Tintsumi, ntsena ku vonakala tanahi laha u yimeke lahawani, ti tile ti ri karhi ti kukula ehansi ku suka eTilweni. Maribye entshaveni ya khungulukerile ehandle na le hansi ka swintshabyana, naswona—naswona vanhu lava a va yimile lahaya a va ri karhi va kalakala na ku ya emahlweni, ma swi tiva, kutani ritshuri a ri ri karhi ri haha hinkwako. Kuteloko swi ri tano, Yi ku, "Tlhelela ekaya ka wena. Sweswi ku ta va, Ntsumi yin'wana na yin'wana yi ta va yin'we ya swilemo swa Swilemo swa Nkombo."

²² Laha, swi nga eka thepi. Nakona buku yi ta huma ku nga ri khale, ku va sweswi yi ri muxaka wa ku va yi lulamisiwa ririm. Tanihi laha mi swi tivaka, ririm ra mina a ri kahle ngopfu, naswona vanhu a va nga ta.... Ntsena mi fanele ku va vanhu lava mi ndzi rhandzaka na ku tiva hilaha mi faneleke ku ndzi twisia hakona eka ririm ra mina. Kambe un'wana wa mutivi wa vukhongeri u le ku yi lulamiseni ka ririm eka mina, na ku susa hinkwaswo swa—swa.... Kunene, kumbexana ndzi vurile rito ro hoxeka lahaya. A ndzi kali ndzi swi tiva. Swingaleswi, ndzi twile un'wana a ri karhi a hleka, swingaleswi ku "lulamisa ririm" lokuya a ku nga lulamanga. Kambe kukotisa Mudachi, ndzi teki

eka leswi ndzi vulaka swona ku nga ri leswi ndzi swi vurisaka swona, kumbexana.

²³ Nakona i timinetse tinhарhu ntsena sweswi, ndzi byeriwile, ku ya eku pfaleni ka nonganoko.

²⁴ Sweswi, n'wina vanhu lava rhandzekaka ehandle etikweni ra xiya-ni-moya, na n'wina lava mi vabyaka na ku va na swilaveko lahwani eka vayingiseri, xana mi nga tlhandlekana mavoko sweswi loko hi va na rito ra xikhongelo eka vavabyi. Sweswi, Yesu u te, xileriso xa Yena xo hetelela eka Kereke, "Swikombiso leswi swi ta landzela vona lava va pfumelaka." "Vona," vona lava va pfumelaka! "Loko va tlhandleka mavoko ya vona ehenhla ka vavabyi, va ta hlakarhela."

²⁵ Tatana wa le Matilweni la rhandzekaka, hi kotisa vana namunthla, hi le ku yingiseni ka leswi U nga vula leswaku hi swi endla. Hi le ku tlhandlekeni ka mavoko ehenhla ka swikombelo leswi hinkwaswo swa riqingho. Wena wa va vona le handle etikweni le handle, hilaha va nga na swilaveko hakona, ku xaniseka. U vona lava va nga na swilaveko lahwani, lava xanisekaka. Nakona hi va nyikela eka Wena, Xikwembu lexi rhandzekaka, hi Ripfumelo leri eRitweni ra Wena laha Wena u nga te, "Swikombiso leswi swi ta landzela vona lava va pfumelaka. Loko va tlhandleka mavoko ya vona ehenhla ka vavabyi, va ta hlakarhela." Hi nyike swona, Hosi, hi Vito ra Yesu Kreste. Amen. [Xivati lexi nga ri ki na nchumu eka thepi—Muhleri.]

[Makwerhu Branham a gimeta vuhaxi byo rhanga bya xiya-ni-moya—Muhleri.]



²⁶ Ndza ku khensa, Makwerhu Shakarian. Hakunene i nkateko lowukulu ku tlhela ndzi vuya nakambe eka vuhaxi, ku ta vulavula na vanghana van'wana va hina le handle etikweni ra xiya-ni-moya, xikan'we-kan'we na lava nga kona kwala.

²⁷ Naswona hakunene hi le ku tshambuluteleni ka xirhambo lexi eka n'wina, ku va mi ta eEmbassy Hotel mundzuku ni ndzhengha, ku ta khongeleriwa. Naswona ku nga ri sweswo ntsena, kambe tisani lava va nga vadyohi na lavaya va nga tlhelela endzhaku. Loko ntsena hi va na xikhongelo eka vavabyi, kutani hi vona Xikwembu hi nkarhi na nkarhi xi ri karhi xi endla mahlori lamakulu, kambe sweswo i swa vumbirhi. Nchumu lowukulu i ku ponisiwa, ku tatiwa hi Moya wa Xikwembu, lowu ndzi yaka eku vulavulenai na n'wina hi wona hi kwalomu ka swinkadyana swintsongo lahwani, na ku enela hilaha hi faneleke ku tatiwa hi Moya wa Xikwembu hakona.

²⁸ Naswona ku horisa ka Vukwembu hi ntolovelu ku koka rinoko eka vanhu, naswona ku va tisa eka Vukona bya Xikwembu. Loko Xikwembu xi endla xin'wana lexi—lexi va

swi tivaka leswaku xa twi-...kunene, a xi twisiseki. Hi nga ka hi nga swi kombisi hi vukhanikhi leswaku swi endliwa njhani. Xikwembu xi swi endla hi ndlela ya Xona N'winyi ya kahle. Kutani sweswo swi koka rinoko ra vanhu, ku va va tiva leswaku ku na Vukona bya Matimba kun'wana, lawa ya nga endlaka swin'wana leswi hundzaka ku twisia ka munhu, nakona sweswo swi vanga leswaku va langutisa eka Xinyimpfana xa Xikwembu. Nakona minkarhi hinkwayo, ku horisa ka Vukwembu; ndzi byeriwile, naswona ndza pfumela, mina n'winyi, leswaku exikarhi ka makumentsevu, kumbexana, na makumenkombo wa tiphesente, ta ministri wa Hosi ya hina, a ku ri ku horisa ka Vukwembu. Nakona Yi endlile sweswo ku va yi koka rinoko ra vanhu. Kutani loko va ri lahaya, Yi te, "Handle ka loko mi pfumela leswaku Ndzi Yena, mi ta lovela evudyohwени bya n'wina."

²⁹ Sweswi, ku horisa ka Vukwembu i khadi ro mpfapfarhutela kona, ku endlela leswaku vanhu va langutisa eka Hosi Yesu. Nakona Dokodela F.F. Bosworth, laha vo tala mi nga, a mi ri vanghana na yena, naswona a mi n'wi tiva, naswona ministri wa yena a wu vula swo tala swinene eka mina tanihu muministara lontsongo. Ndzi sungurile eka tinhlengeletano ta mina, kutani ndzi tsutsumela eka Makwerhu Bosworth. A tshamela ku vula leswaku, "ku horisa ka Vukwembu," i xitatimentenya xo olova sweswi, u te, "Ku horisa ka vukwembu i xikwa eka xinjovo xa hlampfi." A ku, "A wu kali u kombeta xinjovo eka hlampfi. U yi kombeta xikwa, kutani yi landzelela xikwa kutani yi fika eka xinjovo." Swingaleswi sweswo hileswi hi ringetaka ku swi endla. Sweswo hileswi xi nga xa hina...hina...Xikongomelo xa hina i ku yisa vanhu eka Hosi Yesu Kreste. Nakona hi La fanaka tolo, namunthla, na hi masiku. Swingaleswi loko ku ri leswaku A ri Muhorisi eka masiku lawa ya nga hundza, hi Yena Muhorisi namunthla.

³⁰ Ntsena vumbhoni bya vun'winyi loko ndzi nga si khongeleta vavabyi le handle etikweni ra xiya-ni-moya. A ku ri masiku mantsongo lawa ya nga hundza, a ndzi ri ehenhla ka tintshava laha nchumu lowukulu wu nga teka ndzhawu emahlweni ka khumentlhanu kumbe makumembirhi wa vamakwerhu lahaya, laha Ntsumi ya Hosi yi nga xikela ehansi, naswona Rivoni lerikulu a ri ri karhi ri haha kukotisa xirimela, ri buluka ku rhendzeleka hi tintshava, na maribye ya ri karhi ya haha ku ringana madzanambirhi wa magoza, kumbe ku tlula, ku tsemakanya kwalahaya, ya tsema tinhlohlorhi ta minsinya ti suka. Kutani a ndzi yimile ehansi ka Rona. Nakona ndzi va byerile ntsena tinhweti tintsongo swi nga si humelela, Ri ta va kwalahaya na leswi nga ta humelela; kahle-kahle, swi vuriwile hi xa tolo. Kutani vavanuna lava hinkwavo a va ri karhi va tsutsumela ehansi ka tilori na hinkwaswo, va ringeta ku fambela ekule. A va nga swi tivi leswaku ku humelerile yini. Kutani Yi

vulavurile kutani yi vula leswi nga ta teka ndzhawu xikan'we-kan'we endzhaku ka swona.

³¹ A ndzi tshamile eribyeni ro karhi lahaya, lahaya Yi nga vonakala kona, a ndzi ri na—na munghana loyi a ri na hina, loyi a tile ku suka eMinnesota. Vanhu va ka vona va kona mixo lowu naswona a ndzi na ntiyiso ehandle ka leswi a nga va ka kwala ehansi kun'wana. A ku ri Donavon Weerts, na nakulorhi wa kahle lontsongo, Mulutheran loyi a ha ku nyiketa vutomi bya yena eka Kreste na ku va a tatiwa hi Moya. Mufana wa Mujarimani wo titsongahata swinene, wa kwalomu ka makumenharhu wa malembe hi vukhale, ndyangu, vana vambirhi kumbe vanharhu lavantsongo. U rhelerile eTucson ntseña ku ta va muakelani na mina, laha madzana nharhu kumbe mune va nga ta ku ta va vaakelani. Swingaleswi u . . .

³² Nakona ndza tsaka ku va na vaakelani vo tanihī valava. Va ndzi landzelela ndlela hinkwayo ku suka eAfrika Dzonga, na ku rhendzeleka hinkwako, ntseña ku va ekusuhī na ku vona . . . na mina, ku va na mina na ku tiphina hi vutiphini bya Hosi.

Nakulorhi wo titsongahatisa xisweswo, a ndzi se tshama ndzi n'wi xiysisa swinene.

³³ I ntiyiso, vanhu lava ndzi va tivaka na ku tihlanganisa na vona va tanihī makwerhu wa mina, sesi. Ndza va langutisa, na ku swi twa loko ndzi ehleketa leswaku va huma entileni, kutani ndzi va yisa etlhelweni rin'wana kutani ndzi vulavula na vona, hikuva ndza va rhandza. Hi lava ku hanya eVukwetsimelweni swin'we. Kutani minkarhi yin'wana kumbexana, etinhlengeletanweni, mi ehleketa leswaku ndzi vulavula hi ku tikisela eka n'wina. Sweswo a swi suki ka swona. Sweswo a hi mhaka ya ku va ndzi nga mi rhandzi, kambe swi ta ku suka embilwini ya mina, hikuva ndzi—ndzi . . . Swi fanele ku va hi ndlela yin'we ntseña. Ku na ndlela yin'we ntseña yo tirhela Xikwembu, nakona yaleyo i . . . Kutani hi fanele ku tshama endleni ya Xona, swi nga ri na mhaka leswaku mianakanyo ya hina hi yihi. Ndlela ya Xona!

³⁴ Ndzi xiysisile Donavon, ehenhla ka ndleve ya yena ya xinene, a ku pfimbile kumbexana ka nharhu ku hundza xiyimo xa yona, naswona a yi languteka yi tshwukile ngopfu. Kunene, sweswi a ndzi ehleketa kumbexana leswaku, lahaya emananga eka masiku mantsongo, leswaku laha hi nga va kona, leswaku kumbexana u vile na mudorho wuntsongo endliveni ya yena. Kambe, loko ndzi khomile voko ra yena, ndzi kumile leswaku a ku ri mfukuzani. Swingaleswi ndzi byerile Donavon, ndzi ku, "Donavon, xana u . . . Xana xexo xi vile endliveni ya wena nkarhi wo tanihī kwihi?" Ntsena ku va tanihī hi ku n'wi cukumeta, tanihī loko ndzi nga swi tivi. Kutani ndzi ku, "Xana xexo xi vile kwalano nkarhi wo tanihī kwihi, Donavon?"

A ku, "Makwerhu Branham, kwalomu ka ntsevu wa tin'hweti," u vule tano.

Ndzi ku, "Hikokwalaho ka yini u nga swi vulanga eka mina?"

³⁵ A ku, "Oho, ku vona u ri karhi u chivirika swonghasi," a ku, "A ndzi nga lavi ku—ku swi endla." A ku, "Ntsena a ndzi ehleketa leswaku kumbexana nkarhi wun'wana Hosi yi nga ku byela."

Swingaleswi ndzi ku, "Xana wa swi lemuka leswaku i yini-ke?"

A ku, "Ndzi na vonele ra kahle."

Ndzi ku, "Sweswo swi lulamile."

³⁶ Kutani mixo wa vumbirhi. Ku nga ri ku tlula sweswo, ndzi khomile mufana hi voko; emixweni wa vumbirhi, a ku ri hava hambi xi ri xivati endleveni ya yena. A xi fambile hinkwaxo.

³⁷ Minkarhi yo tala swinene ha tshikelela, na ku ringeta ku fika eka *leswi, sweswo*. Kumbe... Wa vona, i ku, "Swikombiso leswi swi ta landzela mupfumeri." A ri te "loko va nga khongeleta vavabyi." "Loko va tlhandleka mavoko ehenhla ka vavabyi, va ta hlakarhela!" Hi fanele ku va na ripfumelo, hina vinyi, eka leswi hi swi endlaka. Hi swona.

³⁸ Swingaleswi sweswi Donavon a nga va a ri kwala. U ta hlangana na yena. U ta va a ri kwala, loko ku ri leswaku a nga kona mixo lowu, ehansi kun'wana. U ta hlangana na yena, naswona u ta byi tiva vumbhoni.

³⁹ Kutani hi swihi swo tala ndzi nga swi vulaka-ke? Ndzi pfumela leswaku Luka, kumbe Yohana, un'we, u vurile leswaku misava a yi nga ta hlay...khoma, hlayisa tibuku leti a ti ta tsariwa ta leswi Yi nga swi endla exikarhi ka vanhu eka masiku lawa yo hetelela; hilaha vavabyi va nga horisiwa hakona, swidakwa swi ntshuxiwile, hi magidi-gidi ya swona, na tinxaka hinkwato ta mavabyi na maxangu.

⁴⁰ Sweswi, n'wina mi nga le handle etikweni ra xiya-ni-moya, xikan'we-kan'we na lava nga lahwani, ndzi khomile lahwani sweswi swikombelo leswi tataka xandla leswi nga ta hi riqingho mixo lowu, a ri rila nkarhi na nkarhi hi mpfhuka ka loko hi vile lahwani. Swingaleswi hi...dzana na makumenkaye-ntsevu wa swikombelo swi tile mixo lowu, hi riqingho, hi mpfhuka ka loko hi vile lahwani. Swingaleswi a hi hlanganeni hi xikhongelo sweswi tanahi loko un'wana na un'wana... Kun'wana na kun'wana laha mi nga kona, le handle etikweni, tlhandlekani mavoko ehenhla ka un'wana, loko mi ri vapfumeri. Loko u nga ri yena, tlhandleka voko ra wena ehenhla ka Bibele kumbe xin'wana kwalano, loko ha ha khongela lahwani na kwalano.

⁴¹ Tatana wa le Matilweni la rhandzekaka, vumbhoni lebyintsongo bya Donavon Weerts, ntsena byin'we bya magidi, Hosi, lebyi hi tintswalo U nga...Ndza khongela leswaku U langutisa ehansi etimbilwini ta vanhu ha vumbirhi lava nga

lahawani na le tikweni ra xiya-ni-moya. Nakona ingaku vona, un'wana na un'wana, va nga horisiwa. Ingaku lowo biha a nga va sukela, naswona ingaku va nga ntshuxiwa eka maxangu ya vona hinkwawo. Hi nyike swona, Tatana. Hi Vito ra Yesu Kreste, N'wana wa Wena, ha swi kombela. Amen.

Ndza Ku khensa, Hosi . . . [Xivati lexi nga riki
na nchumu eka thepi—Muhleri.]

[Makwerhu Branham a gimeta vuhami bya vumbirhi bya xiya-ni-moya—Muhleri.]

☆ ☆ ☆ ☆ ☆ ☆ ☆

⁴² Kunene, leyi i minkarhi yinharhu eka mina lahawani mixo lowu. Mina! Kutani, ma swi tiva, swa ha ku vuriwa leswaku hi fanele ku sukela muako hi kwalomu ka khumembirhi, khumemune wa timinetse, kumbe swin'wana. Nakona vurhangeri byi virile leswaku, i mani la nga ehansi lahaya, naswona a va nga phameli swakudya. Swakudya swa hina swi leherile ehandle. Hi na swakudya swo tala, ma swi tiva. Swingaleswi hi tlurisa, ku tlurisa hi ku tsaka ku va hi vile na leyi ya kahle ya ximoya, jubili ya ku swekiwa ka switshongo, tanahi laha ndzi nga swi vitananisaka xiswona, mixo lowu lahawani na ntlawa lowu wa vavanuna va kahle.

⁴³ Ndzi ta tsakela ku—ku vula leswaku hi . . . swikhongelo nakambe, mundzuku ni ndzhengha, lahaya eEmbassy. Sweswi, hi ta va hi ri karhi hi khongelela vavabyi lahaya, na ku langutela ku va Xikwembu xi hlangana na hina. Kutani ndzi tile ku ta hoxa eka xiave xa mina, ministri wa mina, eku endleni ka (hinkwaswo leswi hi nga swi kotaka) nhlengeletano leyi leswaku yi va ku humeleta. Ku nga ri ku humeleta hikuva ku ri tinhlengeletano ta hina, kambe ku humeleta ka ku va vanhu va kuma Yesu Kreste. Sweswo hi swona ku humeleta. Tinhlengeletano tin'wana na tin'wana, swi nga ri na mhaka leswaku hi dzunisa Xikwembu ku fika kwihi, i swilo leswikulu njhani leswi hi Xi vonaka xi swi endla, i ka ngani Xi vulavula na hina eXimoyeni, na swin'wana na swin'wana; handle ka loko ku ri na xin'wana xi nga fikeleriwa, mimoya-xiviri yin'wana yi tisiwile eka Mfumo!

⁴⁴ Naswona Makwerhu Shakarian wa ha ku endla xitativende xa xiviri sweswinyana hi mayelana na leswi a swi anakanya hi masiku lawa hi nga—hi nga eku hanyeni eka wona. I ntiyiso ndzi pfumela sweswo hi mbilu ya mina hinkwayo, leswaku hi hanya enkarhini wo pfala, ntsena eka—ntsena eka mindzhuhi ya ni madyambu. Dyambu ri le mahlweni ngopfu. Kutani loko hi vona swilo leswi swi ri karhi swi teka ndzhawu hi ndlela leyi swi nga xiswona namuntlha, hikokwalaho ka yini, swa nonoha ku vula leswi rixaka rin'wana ri nga ta swi tisa. Masikunyana lawa ya nga hundza . . .

⁴⁵ Ntsena ndzi pfumeleleni ndzi mi nyika swin'wananyana swa le ndzeni. Va endlile xikambelo ku rhendzeleka hi Arizona, laha

ndzi tshamaka kona, xa swikolo hinkwaswo. Va nyiketile vana, vona va nga ri eku swi tiveni, xikambelwana xa dzano. Nakona u nga vhumba yini? Ku katsa swikolo swa le henhla na—na swikolo swa le hansi, a ku ri na makumenhungu wa tiphesente ta vana lava xanisekaka hi ku kayivela ka dzano. Makumenkombo wa tiphesente ta vona a va ri vahlaleri va xigila-mikhava. Wa vona, lavo biha, va hi rheterile naswona a hi... U tivutisa leswaku hikokwalaho ka yini swi ta. U nga ha twa Rito ra Xikwembu ri ri karhi ri kalakala ku lwisana na swona, hambiswiritano laha hi—hi tikuma hina vinyi hi phasiwile eka swona.

⁴⁶ Mi nge ndzi mi nyiketa nchumu wun'wana wo hlamarisa. Ma vona, "A hi hinkwavo lava nge ka Mina, 'Hosi, Hosi,' va nga ta nghena endzeni; kambe hi loyi a endlaka ku rhandza ka Tata wa Mina." Ku rhandza ka Xona i Rito ra Xona. Hi tshama hi ri vakhongeri swonghasi, hi va na minkarhi ya kahle, hi huwelela, hi tlula-tlula, etinhlengeletanweni leti, leti hi nga... A ndzi—a ndzi lavi ku sola. Kambe ndzi na—na ntirho wa ku wu endlela Xikwembu, nakona ntirho walowo i ku va na ntiyiso na ku vula leswi Xi lavaka leswaku ndzi swi vula. Nakona ndzi khensa swinene eka California chapter lava nga ndzi tiyisela eka—eka vutibohi bya mina. Loko ndzi nga vulavuli vutibohi bya mina, ndzi mutiendlisi nakona sweswi a ndzi le ku veni na ntiyiso eka n'wina. Nakona loko ndzi nga vi na ntiyiso eka n'wina, xana ndzi nga tshembheka njhani eka Xikwembu, hikuva ndza mi vona ndzi tlhelha ndzi vulavula na n'wina. I ntiyiso, ha swi endla, eka Xikwembu, na xona, kambe hi fanele ku va na ntiyiso swinene na ku tshembheka eka un'wana. Hakunene hi le ka—ka leyo chavisa, nguva yo chavisa. Kutani xana mi tshama mi yima...

⁴⁷ Ntsena ndzi pfumeleleni ndzi ku nyiketa xikambelo xintsongo. "A hi hinkwavo lava nge ka Mina, 'Hosi, Hosi,' va nga ta nghena endzeni; kambe loyi a endlaka ku rhandza ka Tata wa Mina." Yesu u te, emisaveni, "Munhu a nga ka a nga hanyi hi xinkwa ntsena, kambe hi Rito rin'wana na rin'wana." Rito rin'wana na rin'wana! Ku nga ri sweswi ntsena na nkarhi wun'wana, Rito, kambe hi Rito rin'wana na rin'wana.

⁴⁸ A ku ri Rito rin'we leri nga pfumeriya hi ku hoxisa, hi swa Xikwembu...ra swileriso swa Xikwembu, leri nga vanga rifu, gome, vuvabyi byin'wana na byin'wana na ku vava ka mbilu, ku hupa Rito ra Xikwembu, Rito rin'we! Loko xi yisile rixaka ra munhu eka rifu, hi ku hupa, ku pfumela Rito rin'we hi ku hoxisa, "kunene," kunene. Kambe U vurile leswaku swi ta humelela. Sathana u te, "Kunene a swi nga endlekile." Kambe swi endlekile.

⁴⁹ Swingaleswi, hi fanele ku hlayisa Rito rin'wana na rin'wana ra Xikwembu. Kutani loko munhu na hinkwako ku xaniseka loku na swilo leswi nga ya emahlweni eka rixaka ra vanhu, hi ku toloka loku hoxekeke, kumbe—kumbe ku pfumela Rito rin'we hi ku hoxisa, xana hi ta tlhelela njhani endzhaku hi ku hupa

Rin'we, loko ri durha nxavo lowu hinkwawo, hambi ku ri vutomi bya N'wana wa Xona-ke?

...lava nga vitaniwa va tele, ...lava nga langhiwa i vantsongo.

...lava nga vitaniwa va tele, ...lava nga langhiwa i vantsongo.

⁵⁰ Ndzi nga ka ndzi nga teki tsalwa eka leswi, kambe hikuva hi nga ri na nkarhi, kambe ntsena ku mi siya na swin'wana. A hi ehleketeni hi . . .

⁵¹ Ndzi yile siku rin'wana na Makwerhu Shakarian, laha a va pfanganyisa timbewu ta tihomu. Kutani ndzi vonile e—e . . . elaborethari laha Makwerhu Shakarian a nga ndzi nghenisa endzeni. Nakona va petile mbewu ya homu ya xinuna, ntsena lexintsongo . . . kukotisa xitirhisiwa lexintsongo, ritlhongho ra mencisi, kutani va teka xijumba xexo xa mbewu, kutani va yi vekela ehansi ka nghanilazi leyи yi nga yi kurisa hi madzana. Kutani a ku ri na mintsutsu leyи a yi tlula—tlula eka sweswo, eka mbewu liya. Laha, hi swi tivaka leswaku ntsutsu wu huma eka ya xinuna, naswona tandza ri huma eka ya xisati. Kutani ndzi vutisile mukhemisi lahaya, ndzi ku, "I yini leswiya swi endlaka ku tlula—tlula lokuntsongo ko kotisa leswiya?"

A ku, "Sweswo i—sweswo i swinkuzana na swirhodyana." Wa vona?

Kutani ndzi ku, "Eka xithonsana lexiya-ke?"

A ku, "Ina."

⁵² Ndzi ku, "Kumbexana eka mbewu hinkwayo ku nga va na miliyoni ya swona?"

A ku, "Oho, ina." Wa vona? Sweswi, langutisa hi vukheta.

⁵³ Sweswi, loko nchumu lowu wukulu wu teka ndzhawu, ku na tandza rin'we leri rindzeleke ntsutsu wun'we ku suka eka miliyoni liya. Naswona ku hava na un'we la nga vulaka leswaku i ntsutsu wihi walowo, kumbe i tandza rihi rero. Loko mi nga langutisa ku veleka ka ntumbuluko, i ka xihundla ngopfu ku tlula—ku tlula ku veleka ka wanhwana. Hikuva, eka mbewu leyи, ku na yin'we lahaya leyи nga kunguhateriwa emahlweni ku va yi hanya, kutani letin'wana hinkwato ti ta fa. Nakona a hi leyи rhangaka ku vonana; hi leyи rhangaka ku tihlanganisa swin'we na tandza. Kumbexana tandza ri nga ha kula endzhaku ka mbewu, kumbexana exikarhi ka mbewu; ntsutsu wu nga ha endla leswi fanaka, hi tandza. Ntsutsu wu kasela endzeni ka tandza, kutani swincilani swi wa ku suka eka wona, kutani kwalahaya ku sungula longo. Ku na yin'we ntsena eka ndhwalo luwa hinkwawo, wa miliyoni, leyи nga ta humelela, yin'we ntsena; nakona sweswo swi kunguhatiwa hi Matimba yan'wana lawa ya nga tivekiki, eka munhu. Hambiswiritano n'wina, un'wana na un'wana, ma yelana, wun'wana na wun'wana wa

mintsutsu liya ya yelana. I nchumu lowu fanaka eka swiharhi. I nchumu lowu fanaka eka munhu. Swa kunguhatiwa hambi ku ta va mufana, nhwanyana, wa nhloko yo tshwuka, wa nhloko ya ntima, kumbe yini. Swi kunguhatiwa hi Xikwembu. Hinkwayo ka yona yi languteka yi fana, hi ntumbuluko, kambe ku na wun'we kwalahaya lowu nga vekiwa ximfumo ku ya evuton'wini; wun'we eka miliyoni, hambileswi hinkwayo ka yona yi yelanaka.

⁵⁴ Loko Israel ri suka eEgipta, a ku ri na kwalomu ka timiliyoni timbirhi ta vanhu lava nga suka hi nkarhi wun'we. Un'wana na un'wana wa vona u twile hungu ra muprofeta. Un'wana na un'wana wa vona u vonile Langavi ra Ndzilo. Un'wana na un'wana wa vona u khuvuleriwe eka Muxe, eLwandle ro Tshwuka. Un'wana na un'wana wa vona u huwelerile a ri—a ri eMoyeni, va bile dzandzana kutani va tsutsumela ehenhla na le hansi ka le ribuweni, na Miriyamu, loko Muxe a ta yimbelela a ri eMoyeni. Vona, un'wana na un'wana, va nwile ku suka eka Ribye ra ximoya leri fanaka. Vona, un'wana na un'wana, va dyile Mana yo tengə yusiku byin'wana na byin'wana. Un'wana na un'wana wa vona! Kambe ku vile na vambirhi lava nga fika etikweni, un'we eka miliyoni.

⁵⁵ Xana xikambelwana a ku ri yini? Hinkwavo va nwile ku suka eRibyeni leri fanaka, hinkwavo va dyile Mana ya ximoya lawa ya fanaka tanahi laha hi nga eku dyeni mixo lowu, kambe xikambelwana xa Rito xi va khorwisile. Loko swi fika eka nkarhi wa Kadesh-Baniya, loko va sungula ku ya etikweni ra xitshembhiso, naswona a va nga ta ya kona kukondza va ringetitiwa hi Rito. Kutani lavan'wana va—va khume va vuyerile endzhaku, kutani va ku, “A hi nge swi koti! Vanhu va kona va kotisa... Hi kotisa tinjiya, eka vona, doroba ra vona leri nga na khumbhi lerikulu. Valwetani i va kulukumba ngopfu.”

⁵⁶ Kambe Yoxuwa na Caleb va miyetile vanhu. Va ku, “Hi swi kota hi ku tlurisisa ku swi endla!” Hikokwalaho ka yini? Xikwembu xi vurile, loko va nga si suka, etikweni ra xitshembhiso, “Ndzi mi nyiketile tiko. Ndzi mi nyiketile rona. I ra n'wina.” Kambe a ku ri na un'we eka miliyoni.

⁵⁷ Ku na kwalomu ka ntlhanu wa madzana ya timiliyoni ta lava vitaniwaka Vakreste emisaveni namuntlha, naswona siku rin'wana na rin'wana ri gimeta rixaka. Kutani sweswi, swi nga va njhani loko ku Vutliwa ko ta namuntlha kutani ntlhanu wa madzana ya vanhu, misava hinkwavo, va tekiwa eku Vutliwenike? A wu nga ta swi tiva kumbe ku swi vona ephepheni, swa ku famba ka vona. Naswona ku Vuya ka Hosi i ku Vuya ka le xihundleni. Yi ta Vuya kutani yi yivela ekule. Ku ta va lavantsongo swonghasi, kukondza... .

⁵⁸ Kukotisa hilaha a swi ri hakona hi masiku lawa vadyondzisiwa va nga vutisa Yesu leswaku, “Hikokwalaho ka

yini Vatsari va vula leswaku—leswaku Eliya u fanele ku rhanga a ta-ke?"

U te, "U tile khale, nakona a mi kalanga mi swi tiva."

⁵⁹ Xana u kale u swi ehleketa leswi vanhu va nga swi endla-ke? Va yile emahlweni va ri karhi va pfumela leswaku Mu-... leswaku Eliya a ri eku teni. Nakona a ri kwalahaya exikarhi ka vona, nakona a va swi tivanga.

⁶⁰ Swi ta va tano eku Vuyeni ka N'wana wa munhu! Va ta N'wi endla nchumu lowu fanaka. Moya wa Xikwembu wu kona kwala. Kunene, xana hi ya endla yini hi Wona-ke? Xana hi ya eku dyeni ka Mana, na swin'wana na swin'wana, kutani hi nga yi ehenhla nkarhi na nkarhi loko hi ri karhi hi kula?

⁶¹ Xana u kale u yi xiysisa mbewu, tanahi laha Muf. Pitts a ri karhi a vulavula eka swinkadyana swintsongo leswi nga hundza, na hilaha mbewu yi nghenaka emisaveni hakona-ke? Timbewu to tala ti le misaveni ya tona. Loko Xikwembu xi famba ehenhla ka mati, hi Rivoni, kutani Rivoni ri humelerisile. Vukona byo rhanga bya Xikwembu, Rivoni leri nga vuriwa ri tile hi Rito ra Xikwembu. Nakona Rito ra Xikwembu i nchumu wun'we ntsena lowu tamaka wa ha tisa ku Vonakala. Kuteloko mamati ya tlhelerile endzhaku, mbewu a ku ri khale yi ri emisaveni, nakona Rivoni ri humelerisile ntsena timbewu leti nga tshama na ntsutsu eka tona, ti humeleta. Xikwembu xi endla switumbuluxiwa swa Xona.

⁶² Kutani sweswi, emixweni wa Paseka lahaya a ku ri na Rivoni rin'wana leri nga ba misava, loko Moya lowo Kwetsima wu ta nyiketiwa. Naswona Wu nyiketiwa ku va wu tisa ku Vonakala eka Timbewu leti Xikwembu, hi vutivi bya Xona bya le mahlweni, xi swi tiveke leswaku sweswo swi ta va kwala misaveni. Tanahi laha a Xi tiva mbewu yo rhanga ya ntumbuluko, Xi tiva laha Mbewu ya Ximoya yi nga kona. Miri wa wena a wu etlerile lahaya hi nkarhi luwa emisaveni, loko Xikwembu xi humelerisa misava hi nkarhi wo rhanga. Hina hi xiphemu xa misava. A hi etlerile kwalahaya. Nakona hi vutivi bya Xona bya le mahlweni Xi swi tivile hi ku kongoma leswaku i mani la nga ta Xi rhandza na la nga ta Xi tirhela, na la nga ta ka a nga swi endli. Vutivi bya Xona bya le mahlweni byi vula sweswo. Loko byi nga swi endli, kutani a hi Xona Xikwembu. Xi nga ka xi nga vi Xikwembu ehandle ko va lexi nga riki na makumu. Nakona loko Xi ri lexi nga riki na makumu, Xi tiva swilo hinkwaswo.

⁶³ Swingaleswi, u vona vanhu va ri karhi va endla swihoxo swa vona. Va khuguriwile hi swona. Va tsutsumerile eka swona, nakona va ehleketa *leswi* na *sweswo*, kambe a swi tirhi kahle, ha swi vona. Kambe ku na ku tirha loku lulameke, sweswo i ku kuma ku rhandza ka Xikwembu loku hetisekeke kutani u yima kona, leswi Xikwembu xi nga ku vitanelo swona.

⁶⁴ Tanihi laha Makwerhu Jack a nga swi vula eka swinkadyana swintsongo leswi nga hundza hi mayelana na ku rhelela ePershing Square, mpfilumpfilu hinkwawo. Yin'we hi ndlela *leyi*, na yin'we hi ndlela *yaleyo*; na hi mayelana na vativi va vukhongeri, na van'wana na van'wana, leswaku loko u lava ku tiva ntivo-vukhongeri byin'wana, rhelela kwalahaya.

⁶⁵ Ndzi tshembha leswaku sweswo swi kotisa hilaha swi nga xiswona eHyde Park eLondon. A ndzi ri kwalahaya, munhu un'wana na un'wana u na vonele ra yena n'winyi. I—i mpfangampfangano wa misava ya siku ra ximanguva-lawa eBabilona.

⁶⁶ Kambe xana mi swi xiysisile loko—loko Makwerhu Pitts a ya emahlweni na hungu ra yena ro rhandzeka mixo lowu eka hina-ke? Kuteloko a sungula ku huma ephakeni, kwalahaya u kumile nkonghwia lowuntsongo wa Paseka. “Exikarhi ka mpfilumpfilu hinkwawo,” tanihi laha a nga swi tisa hakona eka hina, “a yi nga ri na ndlela yo vula ku ‘ina’ kumbe ‘ee.’ A ku ri vutomi bya Xikwembu lebyi vangamaka eka yona, exikarhi ka mpfilumpfilu hinkwawo.” A xi ri kwalahaya eku vangameni ka xona, hikuva Xikwembu xi xi vekile ximfumo ku va kwalahaya. Exikarhi ka mpfilumpfilu hinkwawo, a ku ri hava na un'we loyi a ri eku xi xiysiseni. A va nga ma voni matirhele ya xona ya ximoya.

⁶⁷ Nakona swi tano namuntlha exikarhi ka tinhlengeletano ta hina letikulu na mintlawa, na tikereke na tidinominexini, na swin'wana na swin'wana. Xin'we xi kokela eka ndlela *leyi*, “Hi fanele ku va Mabaptist, kumbe Mapresbyterian, hi fanele ku va *leswi*, *sweswo*, kumbe *leswin'wana*.” Exikarhi ka hinkwaswo ka swona, ku na xiluva lexi nga eku kuleni. Ku na matimba ya Xikwembu kwala xikarhi ka hina, lawa ya kurisiwaka kwala xikarhi ka hina hinkwerhu. Ntsena a hi yimeni kutani hi ma vona, timinetse tintsongo, kutani hi ma hlalela eka vhiki leri, kutani hi vona loko ya phurhumuka kwala mahlweni ka hina. Hi pfumela leswaku Xikwembu xi ta swi endla. A mi swi pfumeli-ke? [Nhlengeletano yi ku, “Amen.”—Muhleri.]

⁶⁸ Ndza swi vona leswaku a hi fanele hi ri ehansi ka switepisi sweswi. Swingaleswi a hi khongeleni, un'wana na un'wana wa hina.

⁶⁹ Xikwembu lexi rhandzekaka, loko hi korhamisa tinhloko ta hina eVukoneni bya Wena, ha swi twa leswaku hi lava nga enelangiki ku va hi kombela. Kambe U hi tshembhisile leswaku, loko hi nga ta, a Wu nga hi aleli. Na switatimende leswi nga ha ku endliwa, leswi nga fanelangiki ku va dyondzo, “un'we eka miliyon,” kambe ntsena ku va tanihi ku tsundzuka. Hikuva U te:

...nyangwa wu khumile, na ndlela ya kona yi larile,
leyi yisaka evuton'wini, kutani lava nga ta yi kuma i
vantsongo.

Hikuva lava nga vitaniwa va tele, kambe lava nga langhiwa i vantsongo.

⁷⁰ Wena Tatana la nga Heriki, rhumela Rivoni ra Evhangeli ku tsemakanya doroba leri, eka vhiki leri taka ra ntsombani. Nakona loko ku ri na Mbewu yihi kumbe yihi, hi ndlela yin'wana hi ya Wena N'winyi lamakulu, makunguhatelo ya vutlharhi, kukotisa ku ringeta ku swi kombisa hi mbewu ya xinuna na ya xisati, ingaku va nga vumbulukela entsombanini. Ingaku Moya lowo Kwetsima wu nga va nyika Rivoni. Ha swi lemuka leswaku nkarhi kumbexana wu le kusuhi ku tlula leswi hi ehleketa ka leswaku wu xiswona. Ha khongela, Xikwembu, leswaku loko hi ri karhi hi ta lahawani, ntsena hi ri karhi hi pfumela leswaku kumbexana ku na swin'wana lahawani leswi nga endliwaka leswi nga pfunaka vanhu, kumbe—kumbe ku khoma nyimpfu yo hetelela. Ha swi tiva, loko xivala xa tinyimpfu xi tele, manuku Murisi u ta pfala nyangwa.

⁷¹ Tanihi laha a swi ri hakona emasikwini ya Nowa, loko xirho xo hetelela xa ndyangu xi nghenisiwile endzeni, Xikwembu xi pfarile nyangwa. Naswona va bile va tlhela va himetela, kambe a va hlwerile ngopfu. Xikwembu lexi rhandzekaka, va vile na nkateko.

U te, “Hi mina Nyangwa wa xivala xa tinyimpfu.”

⁷² Na hilaha risimu ra muphati ri hlamariska hakona, “Xana makumenkaye na nkaye a va enelanga eka Wena-ke? Kambe, ee, a ka ha ri na un'wanyana.” A nga ha va a ri xinyimpfana xa ntima, kumbe a nga ha va a ri lontsongo la nga ri ki nichumu, a nga ha va a ri lontsongo wa xisati kumbe wa xinuna. A hi swi tivi leswaku va le kwih, kambe luya wo hetelela u fanele ku nghena endzeni kutani nyangwa wu ta pfariwa. O Xikwembu, Wena u tivaka swilo hinkwaswo, kambela vutomi bya hina mixo lowu. Kutani u hi rhumela kun'wana na kun'wana laha hi nga yaka kona, leswaku hi ta kuma luya wo hetelela, leswaku nyangwa wu ta pfariwa kutani Murisi a va endzeni na tinyimpfu. Hi nyike swona, Hosi. Loko ku nga va ku ri na luya un'we lahawani namunthla, loko luya a faneleke ku nghena endzeni . . .

⁷³ “Hinkwavo lava Tatana a Ndzi nyiketekе vona va ta ta eka Mina. Nakona ku hava munhu la nga taka, handle ko va Tata wa Mina a n'wi kokile.”

⁷⁴ Naswona loko ku ri na ku kokelana, kumbe matitwele mantsongo, leswaku leyi yi nga va yi ri awara eka munhu un'wana lahawani eka vayingiseri lava, lahawani kumbe ehansi ka switepisi, kumbe kun'wana na kun'wana laha va nga va ka va ri kona, ingaku va nga hlamlula va ku, “Ina, Hosi, hi mina mutsendzeleki lontsongo la nga tsendzelekekela ekule; na la nga Ri lwisa, vutomi bya mina hinkwabyo. Ndzi—ndzi—ndzi swi twile leswaku ndzi fanele ku ta, kambe namunthla ndzi nembelerile etlhelweni ra ku hluriwa. A ndzi nge he swi koti ku ya ehenhla

kumbe ehansi. A ndzi nge swi koti ku ya helo.” Oho, ingaku Murisi lonkulu a nga ta, fikelela ehansi hi mavoko ya malwandla kutani a nghenisa liya endzeni yi hlaysiaekile, a yi tlhandleka emakatleni ya Yena na ku yi vuyisela endzhaku yi hlaysiaekile.

⁷⁵ Kumbexana ku na un’we lahwani, Hosi, la vabyaka, eka xiyimo lexi yelanaka, laha dokodela a nga te, “Ku hava nchumu lowu nga edliwaka.” U ringetile hi matimba ku xi ponisa, kambe a nga ta xi ponisa. Swi le kule na vufikeleri bya yena. Ku—ku hava lexi a nga xi endlaka. Murhi wa yena kumbe mukwana wu nga ka wu nga ngheni eka xona. Kambe, O Hosi, ku hava lexi nga ekule swinene na voko ra Wena lerikulu, naswona Rito ra Wena i Voko ra Wena. Swingaleswi ha khongela, Xikwembu lexi rhandzekaka, leswaku, mixo lowu, loko hi ri karhi hi vulavula na Wena, leswaku Wena u ta fikelela ehansi kutani u tlakula liya yi vabyaka naswona yi nga ta ka yi nga swi koti ku tipfuna, ku suka eka vufikeleri hinkwabyo bya timhaka ta xisayense, ekule na dokodela, ingaku ti nga horisiwa. Hi nyike swona, Hosi.

⁷⁶ Tanihi loko hi ehleketa hi Davhida, tanihi laha a nyikiwile vutihlamuleri ehenhla ka tinyimpfu tintsongo, tintsongonyana. Kambe siku rin’wana ku tile berhe kutani yi khoma xinyimpfana lexiya xintsongo kutani yi xi humesa, nakona a yi ta va yi xi dyile (kukotisa hilaha mfukuzani wu nga dyaka miri hakona), kumbe nghala leyikulu. Kambe Davhida, loyi a nga havaxelanga kahle ngopfu hi—hi xibalesa, kumbe, ku nga ri n’wa-matlharhi, kambe a ri na xipelupelu ntseña, u landzile nyimpfu liya. Kuteloko a kumile xiharhi lexi a xi lava ku dlaya xinyimpfana, u xi dlayile hi xipelupelu. Ntseña xithhavathavani lexintsongo xa xiphemu xa dzovo na ntambhu, naswona, kambe a ri na vutitsembhi eka xona.

⁷⁷ A hi na ntlharhi leyikulu exikarhi ka hina, Hosi. Hina hi vanhu vo olova na xikhongelonyana xo olova, kambe hi le ku teni mixo lowu endzhaku ka nyimpfu ya Tatana. Wansati luya a nga famba eswitarateni, hi ndlela leyinga tsakisiki, a ri karhi a dzaha tisigarete, a ri karhi a ringeta ku kuma ku rhula hi sigarete; wanuna luya a nga nuhwetela nglilazi kutani a ringeta ku yi tlherisela endzhaku, kambe nala a n’wi khoma hi ku n’wi omba; mufana luya kumbe nhwanyana luya a nga ringeta ku endla leswo lulama, loyi ntseña a nga kumiki ntamu wa ku chupukela ekule na nchumu luwa wo hoxeka; hi ta hi Vito ra Hosi Yesu, ku ta koxa nyimpfu yaleyo mixo lowu. Hi tsan’wa nala; hikuva i nchumu wo olova, xipelupelu, xikhongelo, kambe hi tela ku ta vuyisela liya yin’we exivaleni xa Tatana, leswaku hi ta nyika nhlamuselo ya swilo leswiya swi nga vekiwa evokweni ra hina. Ingaku matimba ya Xikwembu sweswi ma nga ba ripfumelo, le hansi etimbilwini ta vanhu, naswona ingaku moyaxiviri luwa wu lahlekeke wu nga vuyela endzhaku mixo lowu. Ingaku miringo ya vutomi lebyi yi nga n’wi tlherisela ekule, yi n’wi tshika a famba. Nakona ingaku a nga tikuma a hlayisekile

ehenhla ka makatla ya N'winyi, a ri karhi a tlheriseriwa eku hlayisekeni nakambe. Ha swi kombela hi Vito ra Yesu. Amen.

⁷⁸ Xikwembu xi mi katekisa hinkwenu. Kukondza ndzi mi vona mundzuku, ndzi ta hundzuluxela ntirho eka Makwerhu Shakarian. [Xivati lexi nga ri ki na nchumu eka thepi—Muhleri.]

[Makwerhu Branham a gimeta xiphemu xa vunharhu—Muhleri.]



⁷⁹ Leswi, ndza—ndza tshembha leswaku mi ta...leswaku ndzi kumile tintswalo to tala ematihlweni ya Xikwembu na le mahlweni ka n'wina, ku pfumela leswaku a ndzi ta yima lahwani kutani ndzi mi byela swin'wana leswi a swi hoxekile. Ndzi hundzile siku ra ku velekiwa ka mina ra vumakumenthanu-ntsevu, siku rin'wana. Leri a ro va ntsena Hungu ra mukhalabya. Ndzi ri pfumerile leri hi mpfhuka ka loko ndza ha ri xifanyetana. Kutani loko leri ri nga ri ntiyiso, ndzi vile xiphukuphuku xo tlurisa lexi Xikwembu xi nga va na xona emisaveni. Ndzi nyiketile vutomi bya mina hinkwabyo hikwalaho ka Xivangelo lexi. Nakona ingaku ndzi nga vula leswi hi ku tshembheka: loko a ndzi ri na khume ra magidi ya vutomi, a ndzi nga ta pfuka ndzi ya cincile mavonele ya mina.

⁸⁰ Sweswi, ku horisiwa ku le ka vufikeleri bya munhu un'wana na un'wana. Tsundzukani, ku horisiwa ku le ndzeni ka n'wina. Xikwembu xi vekerile perekisi rin'wana na rin'wana leri nga va ka kona endzeni ka nsinya wa muperekisi, loko Xi ta wu byala eNtangeni. Wa vona, ntsena mi...nsinya wa muperekisi kumbe nsinya wa muapula, kumbe nsinya wa muhandzu, ntsena wu fanele ku kula, ku suka eku nwени ka mati emisaveni. Sweswi un'wana na un'wana wa n'wina u na ku koteka lokuya eka wena, ko ku ntshuxa, hikuva i Xikwembu, hikuva u byariwile eka Kreste hi nkhuvulo (ku nga ri nkhuvulo wa mati), nkhuvulo wa ximoya. A wu ti eka Kreste hi nkhuvulo wa mati. Hi nkhuvulo wa ximoya!

⁸¹ Mundzuku ni ndzhengha, loko Hosi yi swi rhandza, ndzi ya vulavula eka sweswo, *njhani* na leswaku i *yini* matirhisele ya Wona. Hi va na wona ni ndzhengha leswaku wu nga kavanyetani na xin'wana xa swikhongelo swa hina.

⁸² Sweswi langutisani, un'wana na un'wana wa n'wina lahwani mi yimile tanahi vapfumeri, ma vona, manuku Vutomi lebyi a byi ri eka Kreste byi le ka n'wina. Byi nga va kona, loko mi nga byi vona!

⁸³ I bindzu ra javulosi ku ku sivelela eka Sweswo, ku endla leswaku u tshama u ri bofu. A nga ku tshika u va bofu, hi leswaku, wa vona, a wu ku tivi laha u yaka kona manuku. Wanuna la nga bofu a nga ka a nga vuli leswaku u ya kwihii, u fanele a lava ku twisia eka munhu un'wana la kotaka ku vona.

Kukondza hi twisia, munhu un'wana u fanele ku hi byela leswi nga Ntiyiso.

⁸⁴ Kutani Kreste u ku ferile, naswona u byariwile ku suka emisaveni ku ya eka Kreste. Nakona xin'wana na xin'wana lexi u xi lavaka xi le ka wena, hi nkhuvulo wa Moya lowo Kwetsima. Xana sweswo a swi lulamanga-ke? Sweswi nchumu wun'we ntsena lowu u faneleke ku wu endla i ku sungula ku nwa ku suka eka Sweswo.

⁸⁵ Kutani loko nsinya wu ri karhi wu nwa, wu sungula ku susumeta matluka ya wona ehandle, swihluke swa wona, wu susumetela muhandzo wa wona ehandle lembe rin'wana na rin'wana. Muhandzu a wu le misaveni; muhandzu wu le ka ximilana. I va ngani lava swi twisisaka sweswo, mi nge "amen." [Nhlenegeletano yi ku, "Amen."—Muhleri.] Swingaleswi, wa vona, muhandzu wu le ka ximilana, naswona ximilana xin'wana na xin'wana xi fanele ku nwa ku suka exihlobyen'i xa xona. Loko mpfula yi nela ehansi, yi nyiketa ximilana lexiya, vutomi, ku nwa kona. Kutani, loko xi ri karhi xi nwa, xa kula.

⁸⁶ Nakona xi kula kukondza xi ta eka xihluke lexi heleleke, ntsena kukotisa hilaha Kereke yi faneleke ku swi endla, ku va yi rhumbuka eka nguva leyi.

⁸⁷ Kutani, loko hi ri karhi hi nwa, ha kula. Kambe loko ximilana xi ala ku nwa, kutani ximilana xi nga ka xi nga kuli. Kutani loko ntsena mi nga swi pfumela sweswi, ha un'we-un'we!

⁸⁸ I ntayiso, wa swi tiva hilaha Hosi yi endlaka hakona, ku kombisa swilo swo hambana-hambana, swa leswi u nga swi endla na leswi a wu nga fanelanga ku va u swi endlile, na swin'wana na swin'wana, enhlenegeletanweni. A hi langutela leswaku Moya lowo Kwetsima wu ta wela eka hina mixo lowu kutani wu endla leswo tano, loko ha ha yimile. Kambe ndzi tshamile ndzi ri karhi ndzi rindzela.

⁸⁹ Ndzi ehleketa leswaku i xiphemu xa rhumbyani, ku ehleketa leswaku ehansi ka switepisi va lava leswaku hi huma lahwani, wa vona. Kambe va le ku hi laveni; hi hlwerile sweswi.

⁹⁰ Kambe hi ku pfumela leswi, hi timbilu ta n'wina hinkwato. Ndzi kombela leswaku mi swi endla. Loko ndzi-loko ndzi kumile tintswalo ematihlwani ya n'wina, tanihu munhu wa ntayiso, pfumela leswi. Sweswi tlhandlekani mavoko ya n'wina eka-eka un'wana.

⁹¹ Sweswi langutisa, sweswi, Bibele a yi vulanga leswaku, "Swikombiso leswi swi ta landzela William Branham." A yi vulanga leswaku, "Swi ta landzela Oral Roberts ntsena." A yi vulanga leswaku, "Swi ta landzela Makwerhu Kopp," kumbe munhu un'wana.

⁹² "Swikombiso leswi swi ta va landzela," a vunyingini, "lava pfumelaka. Loko va tlhandleka mavoko ya vona eka vavabyi, va

ta hlakarhela.” I matimba lawaya ya Xikwembu lawa ya nga eka wena, lawa ya tisaka Vutomi eka munhu loyi u nga n’wi tlhandleka voko ra wena, xihlovo lexi nyikaka Vutomi xa Moya lowo Kwetsima.

⁹³ Xikwembu lexi rhandzekaka, hi Vito ra Yesu Kreste, hi nkarhi lowu wo nonohwa loko kereke...ingaku va nga yima eka sekene leyi, ehandle ka rhumbyani, nakona ingaku Matimba lawa ya nga pfuxa Kreste esirheni, ya nga va pfuxela Ntiyiso wa Evhangeli eka vona sweswinyana, leswaku xileriso xa Yesu a ku ri leswaku, loko va “tlhandleka mavoko ehenhla ka vavabyi, va ta hlakarhela.” Ingaku matimba man’wana na man’wana ya madimona, vuvabyi byin’wana na byin’wana, mavabyi yan’wana na yan’wana, maxangu yan’wana na yan’wana, xiло xin’wana na xin’wana lexi xanisaka lexi nga humeleta eka vanhu, ingaku xi nga suka sweswinyana hi ripfumelo. Tanihi vanhu lava pfumelaka, hi swi kombela hi Vito ra Yesu Kreste. Amen.

⁹⁴ Sweswi yimisani mavoko ya n’wina kutani mi Xi nyika ku dzuneka, loko mi pfumela leswaku Xa swi endla sweswo.

⁹⁵ Xikwembu lexi rhandzekaka, xihlangi lexi xi ta fa, Hosi, handle ka loko leswi swi endliwa. Ndzi avanyisa fundzu leri, hi Vito ra Yesu Kreste. Ingaku ri nga sukela n’wana la nga ri ki na nandzu. Amen.

Sweswi, madokodela ma ringetile, nakona ma tsandzekile. Ntsena pfumelani.



UN'WE EKA MILIYONI TSO65-0424
(One In A Million)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Mugqivela ni mixo, Dzivamusoko 24, 1965, eka xifihlulo xa Full Gospel Business Men's Fellowship International eClifton Cafeteria eLos Angeles, California, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org